

министарства надлежна за послове рада и социјалне политике, свако у оквиру своје надлежности.

Садржај и начин спровођења надзора из ст. 1. и 2. овог члана прописују министри надлежни за рад и социјалну политику.

#### X. КАЗНЕНЕ ОДРЕДБЕ

##### Члан 67.

Новчаном казном у износу од 1.000,00 КМ до 15.000,00 КМ казниће се за прекршај послодавац:

1. који не уплати посебан допринос (члан 18. став 2. и члан 19. став 2.);
2. који према инвалидном лицу поступи супротно одредбама члана 15.;
3. који не достави податке о лицима са инвалидитетом (члан 38.).

Новчаном казном у износу од 1.500,00 КМ до 15.000,00 КМ казниће се за прекршај послодавац:

1. који средства посебне намјене користи ненамјенски (члан 55. ст. 2. и 3.);
2. који средства посебне намјене не води на посебном рачуну (члан 55. став 4.);
3. који не донесе или не доставе годишњи финансијски извјештај о средствима посебне намјене (члан 55. став 4.);
4. који у Фонд не уплати неутрошена средства посебне намјене (члан 55. став 5.).

Новчаном казном у износу од 100,00 КМ до 1.700,00 КМ за прекршај из става 1. овог члана казниће се и одговорно лице код послодавца.

#### XI. ПРЕЛАЗНЕ И ЗАВРШНЕ ОДРЕДБЕ

##### Члан 68.

Постојећи прописи, којима се привредна друштва за запошљавање лица са инвалидитетом ослобађају од плаћања пореза и доприноса на плате лица са инвалидитетом, примјењиваће се до успостављања услова за остваривање права по овом закону.

##### Члан 69.

Постојеће установе, привредна друштва и друга правна лица за запошљавање лица са инвалидитетом, дужни су да своје пословање и организацију ускладе са овим законом у року од осам мјесеци од дана ступања на снагу овог закона.

##### Члан 70.

Парламент Федерације донијеће оснивачки акт из члана 57. став 2. овог закона, у року од четири мјесеца од дана ступања на снагу овог закона.

Влада Федерације именовале привремено Управни одбор, директора и Надзорни одбор Фонда у складу са прописима о министарским, владиним и другим именованима.

##### Члан 71.

Прописи из члана 13. став 3., члана 19. став 5. и члана 32. став 6. овог закона донијеће се у року од шест мјесеци од дана ступања на снагу овог закона.

##### Члан 72.

Фонд је дужан донијети и објавити Одлуку о начину остваривања права на новчани стимуланс из члана 48. овог закона, у року од два мјесеца од дана почетка рада Фонда.

##### Члан 73.

Овај закон ступа на снагу осмог дана од дана објављивања у "Службеним новинама Федерације БиХ".

Председавајући  
Дома народа

Парламента Федерације БиХ  
Стјепан Крешин, с. р.

Председавајући  
Представничког дома

Парламента Федерације БиХ  
Сафер Софтић, с. р.

## UKAZ

### O PROGLAŠENJU ZAKONA O IZMJENAMA I DOPUNAMA ZAKONA O PRAVIMA BRANILACA I ČLANOVA NJIHOVIH PORODICA

Proglašava se Zakon o izmjenama i dopunama Zakona o pravima branilaca i članova njihovih porodica koji je donio Parlament Federacije BiH na sjednici Predstavničkog doma od 24. februara 2010. godine i na sjednici Doma naroda od 25. februara 2010. godine.

Broj 01-02-102/10  
25. februara 2010. godine  
Sarajevo

Predsjednica  
Borjana Krišto, s. r.

## ZAKON

### O IZMJENAMA I DOPUNAMA ZAKONA O PRAVIMA BRANILACA I ČLANOVA NJIHOVIH PORODICA

#### Član 1.

U članu 8. Zakona o izmjenama i dopunama Zakona o pravima branilaca i članova njihovih porodica ("Službene novine Federacije BiH", br. 33/04, 56/05 i 70/07) dodaje se novi stav 2. koji glasi:

"Za ratne vojne invalide koji imaju utvrđeni stepen invaliditeta ispod 60% mjesečno novčano primanje (osobna invalidnina i ortopedski dodatak) uvjetovano je prihodovnim censusom".

#### Član 2.

Iza člana 8. dodaje se novi član 8a. koji glasi:

#### "Član 8a.

"Primjena prihodovnog cenzusa počinje od 01.01.2011. godine.

Ispлата primanja ratnim vojnim invalidima koji imaju utvrđeni stepen invaliditeta ispod 60%, koje je uvjetovano prihodovnim censusom prestaje na dan 31.12.2010. godine, ukoliko do tog datuma korisnik osobne invalidnine ne podnese zahtjev za nastavak isplate.

Nastavak isplate za osobe iz stava 2. ovog člana zavisit će o mogućnosti podnosioca zahtjeva da ispunji uvjete koje nalažu pravila o prihodovnom censusu. U slučaju da zahtjev za nastavak isplate bude pozitivno riješen primanje se nastavlja od 01.01.2011. godine.

Zahtjevi za izdavanje potvrde o prihodovnom stanju podnose se nadležnim ustanovama, općine prebivališta korisnika prava, koje su osposobljene za primjenu propisa o prihodovnom censusu.

Ustanove koje su osposobljene za primjenu propisa o prihodovnom censusu su jedine nadležne da obrađuju zahtjeve za izdavanje potvrde o prihodovnom stanju radi primjene relevantnih propisa o prihodovnom censusu".

#### Član 3.

U članu 19. dodaje se stav 2. koji glasi:

"Ostvarenje prava na porodičnu invalidninu i uvećanu porodičnu invalidninu uvjetovano je prihodovnim censusom. Ova odredba ne odnosi se na djecu poginulih branilaca do 25 godina života koja su na redovnom školovanju".

#### Član 4.

Iza člana 19. dodaje se novi član 19a. koji glasi:

#### "Član 19a.

"Primjena prihodovnog cenzusa počinje od 01.01.2011. godine.

Ispлата porodičnih invalidnina i uvećane porodične invalidnine koja je uvjetovana prihodovnim censusom prestaje na dan 31.12.2010. godine, ukoliko do tog datuma korisnik porodične invalidnine i uvećane porodične invalidnine ne podnese zahtjev za nastavak isplate.

Nastavak isplate će ovisiti o mogućnosti podnosioca zahtjeva da ispunji uvjete koje nalažu pravila o prihodovnom cenzusu. U slučaju da zahtjev za nastavak isplate bude pozitivno riješen primanje se nastavlja od 01.01.2011. godine.

Zahtjevi za izdavanje potvrde o prihodovnom stanju podnose se nadležnim ustanovama općine prebivališta korisnika prava koje su osposobljene za primjenu propisa o prihodovnom cenzusu.

Ustanove koje su osposobljene za primjenu propisa o prihodovnom cenzusu su jedine nadležne da obrađuju zahtjeve za izdavanje potvrde o prihodovnom stanju radi primjene propisa o prihodovnom cenzusu".

#### Član 5.

U članu 57. stav 3. mijenja se i glasi:

"Visina osnovice iz člana 12. stav 2. Zakona usklađivat će se sa odredbama Zakona o budžetima u Federaciji BiH."

U članu 57. iza stava 3. dodaje se novi stav 4. koji glasi:

"Za obračun i isplatu mjesečnih novčanih naknada po ovom Zakonu primjenjivat će se koeficijent, u skladu sa Zakonom o budžetima u Federaciji BiH".

#### Član 6.

Odredbe čl. 1., 2. i 4. ovoga Zakona primjenjivat će se danom stupanja na snagu Zakona o cenzusu za sve budžetske korisnike.

Ukoliko se donese Zakon o cenzusu za sve budžetske korisnike prije 01.01.2011. godine, odredbe iz stava 1. ovoga člana primjenjivat će se od 01.01.2011. godine.

#### Član 7.

Ovaj Zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući Doma naroda Parlamenta Federacije BiH Stjepan Krešić, s. r.	Predsjedavajući Predstavničkog doma Parlamenta Federacije BiH Safet Softić, s. r.
--	--

Temeljem članka IV.B.7.a) (IV) Ustava Federacije Bosne i Hercegovine, donosim

### UKAZ

#### O PROGLAŠENJU ZAKONA O IZMJENAMA I DOPUNAMA ZAKONA O PRAVIMA BRANITELJA I ČLANOVA NJIHOVIH OBITELJI

Proglašava se Zakon o izmjenama i dopunama Zakona o pravima branitelja i članova njihovih obitelji koji je donio Parlament Federacije BiH na sjednici Zastupničkog doma od 24. veljače 2010. godine i na sjednici Doma naroda od 25. veljače 2010. godine.

Broj 01-02-102/10  
25. veljače 2010. godine  
Sarajevo

Predsjednica  
Borjana Krišto, v. r.

### ZAKON

#### O IZMJENAMA I DOPUNAMA ZAKONA O PRAVIMA BRANITELJA I ČLANOVA NJIHOVIH OBITELJI

##### Članak 1.

U članku 8. Zakona o izmjenama i dopunama Zakona o pravima branitelja i članova njihovih obitelji ("Službene novine Federacije BiH", br. 33/04, 56/05 i 70/07) dodaje se novi stavak 2. koji glasi:

"Za ratne vojne invalide koji imaju utvrđeni stupanj invaliditeta ispod 60% mjesečno novčano primanje (osobna invalidnina i ortopedski dodatak) uvjetovano je prihodovnim cenzusom".

##### Članak 2.

Iza članka 8. dodaje se novi članak 8a. koji glasi:

##### "Članak 8a.

"Primjena prihodovnog cenzusa počinje od 01.01.2011. godine.

Isplata primanja ratnim vojnim invalidima koji imaju utvrđeni stupanj invaliditeta ispod 60%, koje je uvjetovano prihodovnim cenzusom prestaje na dan 31.12.2010. godine, ukoliko do tog datuma korisnik osobne invalidnine ne podnese zahtjev za nastavak isplate.

Nastavak isplate za osobe iz stavka 2. ovog članka ovisit će o mogućnosti podnosioca zahtjeva da ispunji uvjete koje nalažu pravila o prihodovnom cenzusu. U slučaju da zahtjev za nastavak isplate bude pozitivno riješen primanje se nastavlja od 01.01.2011. godine.

Zahtjevi za izdavanje potvrde o prihodovnom stanju podnose se mjerodavnim ustanovama, općine prebivališta korisnika prava, koje su osposobljene za primjenu propisa o prihodovnom cenzusu.

Ustanove koje su osposobljene za primjenu propisa o prihodovnom cenzusu su jedine mjerodavne da obrađuju zahtjeve za izdavanje potvrde o prihodovnom stanju radi primjene relevantnih propisa o prihodovnom cenzusu".

##### Članak 3.

U članku 19. dodaje se stavak 2. koji glasi:

"Ostvarenje prava na obiteljsku invalidninu i uvećanu obiteljsku invalidninu uvjetovano je prihodovnim cenzusom. Ova odredba ne odnosi se na djecu poginulih branitelja do 25 godina života koja su na redovnom školovanju".

##### Članak 4.

Iza članka 19. dodaje se novi članak 19a. koji glasi:

##### "Članak 19a.

"Primjena prihodovnog cenzusa počinje od 01.01.2011. godine.

Isplata obiteljskih invalidnina i uvećane obiteljske invalidnine koja je uvjetovana prihodovnim cenzusom prestaje na dan 31.12.2010. godine, ukoliko do tog datuma korisnik obiteljske invalidnine i uvećane obiteljske invalidnine ne podnese zahtjev za nastavak isplate.

Nastavak isplate će ovisiti o mogućnosti podnosioca zahtjeva da ispunji uvjete koje nalažu pravila o prihodovnom cenzusu. U slučaju da zahtjev za nastavak isplate bude pozitivno riješen primanje se nastavlja od 01.01.2011. godine.

Zahtjevi za izdavanje potvrde o prihodovnom stanju podnose se mjerodavnim ustanovama općine prebivališta korisnika prava koje su osposobljene za primjenu propisa o prihodovnom cenzusu.

Ustanove koje su osposobljene za primjenu propisa o prihodovnom cenzusu su jedine mjerodavne da obrađuju zahtjeve za izdavanje potvrde o prihodovnom stanju radi primjene propisa o prihodovnom cenzusu".

##### Članak 5.

U članku 57. stavak 3. mijenja se i glasi:

"Visina osnovice iz članka 12. stavak 2. Zakona usklađivat će se sa odredbama Zakona o proračunima u Federaciji BiH."

U članku 57. iza stavka 3. dodaje se novi stavak 4. koji glasi:

"Za obračun i isplatu mjesečnih novčanih naknada po ovom Zakonu primjenjivat će se koeficijent, sukladno Zakonu o proračunima u Federaciji BiH".

##### Članak 6.

Odredbe čl. 1., 2. i 4. ovoga Zakona primjenjivat će se danom stupanja na snagu Zakona o cenzusu za sve proračunske korisnike.

Ukoliko se donese Zakon o cenzusu za sve proračunske korisnike prije 01.01.2011. godine, odredbe iz stavka 1. ovoga članka primjenjivat će se od 01.01.2011. godine.